

T.3149/3232.83

16

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1938



汾州府志卷之三十三

藝文七

扈從南出雀鼠谷

唐張說

豫動三靈贊時巡四海威
陝關凌曙出平路半春歸
霍鎮迎雲罕汾河送羽旂
山南柳半密谷北草全稀
遲日宜華蓋和風入袷衣
上林千里近應見百花飛

奉和聖製同二相南出雀鼠谷

唐張九齡

設險諸侯地承平聖主巡
東君朝二月南旆擁三辰
寒出重關盡年隨行漏新
瑞雲叢捧日芳樹曲迎春
舞詠先馳道恩華及從臣
汾川花鳥意併奉屬車塵

哈佛大學漢和
圖書館珍藏印

奉和聖製荅二相出雀鼠谷

唐徐安貞

兩臣初入夢，二月扈巡邊。朔北寒猶在，山南春半傳。頌聲先奉御，辰象復回天。雲日明千里，旌旗照一川。柳陰低輦路，草色變新田。還望汾陽近，宸遊自窅然。

奉和聖製荅張說出雀鼠谷

唐蘇頌

雨施巡方罷，雲從訓俗迴。密途汾水衛，清蹕晉郊陪。寒著山邊盡，春當日下來。御祠元鳥應，仙仗綠楊開。作頌音傳雅，觀文色動台。更知西向樂，宸藻協鹽梅。

餞潞州陸長史再守汾州

唐蘇頌

河尹政成期，爲汾昔所推。不榮三入地，還美再臨時。擁

傳雲初合，聞鶯日正遲。道旁多出餞，別有吏民思。

奉和聖製荅張說扈從南出雀鼠谷

唐宋璟

秦地雄西夏，并州近北胡。禹行山啓路，舜在邑爲都。忽視寒暄隔，深思險易殊。四時宗伯叙，六義宰臣鋪。徵作宮常應，星環日每紆。盛哉逢道合，良以致亨衢。

奉和聖製荅張說扈從南出雀鼠谷之作

唐袁暉

魏國山河險，周王警蹕迴。九旗雲際出，萬騎谷中來。石路行將盡，烟郊望忽開。賞矜垂柳報，春畏落花催。興逸橫汾什，恩褒作頌才。小臣瞻日月，延首詠康哉。

奉和聖製荅張說南出雀鼠谷

唐席豫

汾州府志 卷三十三
鳴鑿初幸代旋蓋欲橫汾山盡千旗出郊平五校分前
林已暄景後壑尙寒氛風送蕭韶曲花鋪黼黻文鹽梅
推上宰禮樂統中軍獻賦紆天札飄飄飛白雲

奉和聖製苔張說扈從南出雀鼠谷 唐王光庭

省俗恩將徧巡方路稍廻寒隨汾谷盡春逐晉郊來雲
騎轉行漏煙旄引從臺惠風初應律和氣正調梅雅頌
通宸咏天文接曙臺霸陵桃李色應待日華開

奉和聖製苔張說南出雀鼠谷 唐崔翹

硤路繞河汾晴光拂曙氛笳吟中嶺樹仗入半峯雲頓
覺山原盡平看邑里分早行芳草迴晚憩好風熏嘉頌

推英宰春遊扈聖君共欣承睿渥日月照天文

奉和聖製苔張說扈從南出雀鼠谷 唐梁昇卿

何意重關道千年過聖皇幽林承睿澤閑客見清光日
御仙途遠山靈壽域長寒雲入晉薄春樹隔汾香國佐
同時雨天文屬歲陽從來漢家盛未若此巡方

故西河郡杜太守輓歌三首 唐王維

天上去西征雲中護北平生擒白馬將連破黑鵬營忽
見芻靈苦徒聞竹使榮空流左氏傳誰繼卜商名
返葬金符守同歸石窳妻卷衣悲畫翟持髮待鳴雞容
衛都人慘山川駟馬嘶猶聞隴上客相對哭征西

汾州府志 卷三十三
塗芻去國門祕器出東園太守留金印夫人罷錦軒旌
旗轉衰木簫鼓上寒原墳樹應西廡長思魏闕恩

咏郭有道 唐盧照鄰

大漢昔云季小人道遂振玉帛委闈尹斧鑕嬰縉紳邈
哉郭先生卷舒得其真雍容謝朝廷談笑獎人倫在晦
不絕俗處亂不爲親諸侯不得友天子不得臣冲情甄
負甌重價折角巾悠悠天下士相送洛橋津誰知仙舟
上寂寂無四鄰

天寶中宋州刺史有西河郡太原守張夫人輓歌 唐

鵲印慶仍傳魚軒寵莫先從夫元凱貴訓子孟軻賢龍

是雙歸日鸞非獨舞年哀榮今共盡悽愴杜陵田

李中丞訓萬年房署少府過汾州景雲觀因以寄上

房與李早年同居此觀 唐盧綸

顯晦澹無跡賢哉常晏如如何驚孤鶴忽乃傳雙魚叙
以泉石舊悵然風景餘低回青油幕夢寐白雲居玉洞
桂香滿雪壇松影踈沈思矚仙侶紆組正軍書積學早
成道威恩難遂初梅生諒多感歸止豈吾廬

送單于裴都護赴西河 唐崔灑

征馬去翩翩城秋月正圓單于莫近塞都護欲臨邊漢
驛通煙火胡沙乏井泉功成須獻捷未必去經年

汾州府志 卷三十一
送汾城王主簿

唐韋應物

少年初帶印，汾上又經過。
芳草歸時徧，情人故郡多。
禁鐘春雨細，宮樹野煙和。
相望東橋別，微風起夕波。

巫山縣汾州唐使君十八弟宴別兼諸公攜酒樂相

送率題小詩留於屋壁

唐杜甫

卧病巴東久，今年強作歸。
故人猶遠謫，茲日倍多違。
接宴身兼杖，聽歌淚滿衣。
諸公不相棄，擁別惜光輝。

過宋員外之問舊莊

唐杜甫

宋公舊池館，零落首陽阿。
枉道祇從入，吟詩許更過。
淹留問耆老，寂寞向山河。
更識將軍樹，悲風日暮多。

謝汾州田大夫寄茸瓊葡萄

唐姚合

筐封紫葡萄，筒卷白茸毛。
卧暖身應健，含消齒免勞。
衾衣疎不稱，梨栗鄙難高。
曉起題詩報，寒嘶滿筆毫。

留題汾上舊居

唐薛能

鄉園一別五年歸，迴首人間總禍機。
尚勝鄰翁常寂寞，敢嫌裘馬未輕肥。
塵顏不見應消落，庭樹曾栽已合圍。
難說累牽還却去，可憐榆柳尚依依。

懷汾上舊居

唐薛能

素汾千載傍吾家，常憶衡門對浣紗。
好事喜逢投宿客，刈田因得自生瓜。
山頭吹笛陰沈廟，陌上新蒸突兀車。

投暗作珠何所用。被人專擬害靈蛇。

子夏山 宋趙瞻

山因先師成令名。人心仰止懸青冥。交侯北面欵山扃。
石室至今猶南傾。直松萬株天籟聲。長材大棟資連甍。
溪泉四出照骨清。潤物功溥民罔爭。朝兮新雲澤根莖。
暮兮和風發勾萌。山川氣稟天地英。民何知爲夫子靈。
魏最稱治由師經。晉俗自是多諸生。時尙辭華取未精。
皓首學行徒修明。非無神降弼王庭。國朝嘗議平文衡。
斯文未喪吾道亨。商之傳授今可行。

比干臺 宋趙瞻

九閻大壞一木支。勢知不可誠不欺。商之三仁異所歸。
死諫不欲狂。囚爲賢哉萬世忠。臣師比干而已前。其誰
諫不當顯。何所持忠必愛君。無拂辭。帝舜載賡歌康樂。
風雅比興陳盛衰。君賢臣聖流書詩。光華榮輝同葳蕤。
扶起不欲憂顛危。剖心血頸鼎鑊糜。此意不獨在一時。
死者一傳星日垂。猶有佞人乘其機。順正逢惡稱諷規。
甘言好語解人頤。如懸食角寢不甯。聰明蔽密鄙莫知。
微干之節世亦疑。章華非不窮。我巍姑蘇一同宗。社移
名與土滅埽無遺。但爲世鑒那足譏。茲臺巍巍存遺基。
尙覺清風洒肝脾。妖狐狡兔不敢依。飛沙落日予心悲。

郭林宗故宅

宋趙瞻

悲哉漢末之人士，虛名譁衆世皆靡。姦邪憤怒相角觝，潰然天下黨錮起。黨禁根剔密如此，何歟網漏郭夫子。意在大儒照物理，逆鑒禍福以行已。才不蓋人行不詭，謙損涵納海之水。又豈高卧安閭里，鴻飛鳳舉不可企。前視亂國如覆軌，明哲大雅之所美。有道進退能猶是，故宅莫問但遺址。然誰敢謂李元禮，其徒器識不能爾。

鶴鳴古洞

宋趙瞻

山勢嵯峩接遠峰，九臯鶴唳徹長空。清音彷彿蒼松外，疎影依稀皓月中。石洞雲封仙去後，桑田世換水流同。

登臨厭聽黃鸝語，弄巧綿蠻噪碧叢。

文湖漁唱

宋趙瞻

湖光潏灩泛蓮荷，欵乃漁郎慣此過。笛韻吹殘紅蓼岸，櫓聲搖出錦鱗窩。狂歌明月閒愁少，放浪扁舟適興多。蓴菜鱸魚供一醉，掉歌歸去卧煙蓑。

馬跑神泉

宋盧象

將軍稱賀魯遺廟，俯靈淵。黎噴蛟龍穴，波姚赤鯉泉。路迴芹淵水，村近石林烟。野馬含暄氣，農夫出故躔。土膏興耒耜，尸祝傍山巔。閱世無銘石，茲遊匪幕天。頃來規下字，必葺墓先賢。悅使成能事，掄材出俸錢。伉香推幹

蠱班匠擇精專，黜聖何其麗。樂樞本自然，松青離石道。
雲白介山出，適歎飛暈速。仍憂黃雀穿，梨花寒食後。桂
籍酒樽前，饑麝尋香栢。流鶯助晚絃，吳歛摧玉笋。趙舞
落金鈿，上已無過酒。春衣試欲湔，故園思輦洛。襖飲客
汾川，寄語西河老。鄉心朝暮懸。

魏侯故城

宋袁藏雲

獨向條陽翠靄行，杖藜徐步愴吟情。長河漫有懷山迹，
故國空傳讓畔名。遠樹半遮千木廟，斷雲猶鎖魏侯城。
可憐列土繁華地，祇是寥寥作釣耕。

和詣巖祈雨

宋皇甫韶辭

路盡山尤勝，溪深水愈豪。寺樓今不見，依舊五峰高。

宿平遙集福寺

金劉濤

院僻和僧靜，門閒與晝長。燕泥朝雨淖，蝶蕊晚風香。野
興煎詩思，乾愁繞客腸。青奴如解事，供我莫臆涼。

登縣山上方

金周昂

環合青峰插劔長，小平如掌寄禪房。危闌半出雲霄上，
祕景盡收天地藏。野闊羣山驚破碎，雲低滄海認微茫。
九華籍甚因人顯，迥秀可憐天一方。

碧鮮堂

金趙大端

寒陰鏤碎暗僧軒，玉立森森翠滿前。墜露修梢雲影溼，

破綳春筍綺文鮮。雅宜冷映梅溪月。尤稱香浮茗竈煙。
清夜沈沈正成寐。恍疑飛夢繞淇川。

臨泉道中

金蕭貢

半世事行役。茲游初未經。峽門迷白晝。嶺脊上青冥。澗
曲莓苔滑。松盤霧雨溟。登危人跼踖。涉險馬鈴鏦。落日
留行客。提鞭得驛亭。短牆明積雪。破屋漏疏星。羌笛誰
三弄。羈懷強一聽。葭蘆知不遠。河外數峰青。

謁狄武襄祠

金玉鑄

傑士西河秀。英雄挺偉姿。奮身甘衛國。彌節願匡時。妙
略風雲會。威名草木知。功高懾南服。計重破西陲。定亂

勞三箭平戎。在一麾。勢傾銅柱遠。聲振玉關奇。頗牧才
何濟。孫吳譽竝馳。朝廷分重寄。將相賴兼資。豹略多全
勝。鷹揚屢捷師。雍容敦禮樂。談笑屈缺一。褒錫酬車服。
勲勞著鼎彝。雲臺儼冠劍。麟閣繪形儀。錦里家仍在。蘭
陵塚不隳。風號墳上木。苔漬廟前碑。過客煩詩句。居人
奉酒卮。汾陽遺美蹟。千古話芳規。

送二道者歸汾州

金許安人

介休山下兩閒人。來訪汾陽舊使君。明日却歸塵外去。
一雙白鶴上青雲。

贈益公和尚還超山

金玉廷筠

平沙漠漠鴈翩翩風弄菰蒲水拍天短艇得魚撐月去
一聲漁笛破寒煙

題南山友雲亭 金王廷筠

朝遊南山南暮遊北山北所以兩山雲盡與師相識師
自出山去雲亦出山飛兩人眇何許矯首送雲歸雲歸
人未歸小亭無恙否向來有奇姿無庸變蒼狗雲兮淡
而貞載與尋宿盟論交須耐久持贈近無情清風動亭
側明月生空碧嘉時為招呼相與成三益

壽聖院古柏詩 金普信

老柏千株不記年滿堂中夜冷生煙不容明月秋幽地

欲作驚蛇春上天雪後未忘夫子道風前猶記祖師禪
曉聞寒韻披衣起錯認廬山落澗泉

途次張南 金石玠

迢遞張南驛蕭然動客愁天風吹木葉落日盡城頭兵
氣逢秋肅河聲入夜流那堪久行役搔首獨登樓

送王子壽之元遙 元段成已

卜築謀南邁回轅遽北之有情慚見厚無語只空悲易
忍行時淚難堪別後思明年鴈到日屈指數歸期

過鹿臺山 元王惲

遠尋文石岡來歷南山纏鹿臺臺為山幽徑蟠古篆後

峪行未盡前嶺已當面秋聲蕩林樾風露淒以泣陰壑
氣蒼鬱疑有虎豹變山田苦無多溝崦耕已徧柴椽結
半空羅絡碧巖轉自憐終歲勤獸患防一旦我本山中
人束帶對郵椽頓然還舊觀瀟灑償夙願行經雙蟾嶺
石怪驚變現闖首櫛樹間氣自太古練月中誰推墜囚
鎖屬山縣乃知北平守認虎飲羽箭初肖本偶然長歌
下層巘

汾州北席里石氏節婦

元陳旅

北里高樓晝掩扉水銅光冷上苔衣寸心誓比南山石
汾水秋風鴈不歸

義棠廢橋

元鈕克讓

鞭石駕空虛伐山頽崩巖長橋當面起陰靄見虹霓汾
河動地至崩濤響霆霹勢壓銅山摧風馳羽箭激水石
相撞擠群鯨隨蕩折百年締造功遭此洶水擊遂令北
村民往來無翼翼提榼廢朝沽負囊嗟暮糴坐見病涉
圖何由救漂溺憶昔結構初十鑄震駭素飛空百丈梯
運石如運甃橫亘截雲峰突兀立鐵壁萬物無堅牢世
事等飄焱獨立沙堤邊蒼茫何所適

登南城樓

元楊乘

南來綿水抱城隈瀲灩流沙去復回却上高樓看山色

畫圖十幅雨中開

送友歸介休 元魯翀

游踪曾向薊門過，樂府刀環夢裡歌。今日青山真踐約，
鬢絲應比昔年多。

題郭林宗墓

明薛瑄

幾經滄海變桑田，高塚長留古道邊。瑞鳳有時鳴曉日，
冥鴻終古沒秋煙。關河迢遞膺舟隔，江漢空茫雅信傳。
千載有碑應不愧，路人猶自識高賢。

過孝義縣有感

明于謙

茫茫煙樹遶孤城，千古猶傳孝義名。郭巨墓荒春草合，

比干臺古野煙生。落花飛絮迷征旆，剩水殘山惱客情。
鞍馬匆匆無限意，不堪回首暮雲平。

介休道中

明程可中

征旅聊因當勝游，庶饒那復數中州。雪融隙地培桑棗，
日出通衢噎馬牛。望望縣山侵面出，時時汾水避人流。
太行春色黃河外，猶自嚴寒滿敝裘。

超峯曉月

明任良才

聳出千山接太空，山頭初曉月溶溶。晴嵐蚤霽橫青黛，
湫沼泃滌映碧瓏。五月花殘無湛露，三春松古有寒風。
幽人策杖登臨日，天下奇觀一望中。

汾州府志 卷三十三
源池潤民

明曹武

寒泉漱玉徹清流，曲轉餘波兩岸秋。
浪卷平原黃種熟，雲迷沃野綠陰稠。
池心帶雨千波碧，水面凝煙一鏡幽。
試問村墟勤歲叟，膏泥深處出瓊羞。

詠周卿士將臺

明任良弼

山城周室六軍臺，世遠星移紫霧埋。
將壘四圍無鐵馬，女牆半落有蒼苔。
殿廊重建人安在，草木成林鳥復來。
從今誰主爭雄地，明月清風任往廻。

送客遊長春觀

明賈璇

長春觀裏最幽清，送客西歸適我情。
獨賞孤松含晚翠，

不看衆木占先榮。四圍山色濃還淡，一派河流縱復橫。
若說仙家都是幻，何如拍手鶴來鳴。

宿鋤溝鎮和石橋韻

明王素屏

白髮年來種種生，幾回對鏡使人驚。
故鄉北望三千里，官路西行數十程。
廿載離家緣薄宦，半生悞我是虛名。
夜深孤館渾無寐，獨伴寒燈待月橫。

段干木祠

明王翰

殺妻吳起非良將，食子樂羊真鄙人。
爭若先生無一事，西河能解虎狼秦。

羊羔酒出山西汾，州志義諸縣白色瑩。
徹如冰清美

饒風味遠出襄陵之上小挾羶氣耳 明王世貞

清心玉映五銖衣。可是朱顏有慍羝。爲道臯蘭秋月下。
流蘓帳底見明妃。

三陽雲鳳山 明張湘

華嶽當年是舊遊。此間何日醉蒙頭。官辭諫議歸仙洞。
醉識真人下酒樓。優詔九重丹鳳杳。野心一片白雲留。
三陽山上空塵蹟。只有長河水自流。

題林宗 明祝顥

四海頽波正橫流。拳裳猶自遠周遊。笑談不顧三公辟。
標榜終懷八顧憂。舉世英豪攀逸駕。至今風度想仙舟。

松青雲白南山下。多少行人拜墓邱。

謁狄武襄公墓 明祝顥

蚤因黥涅募從軍。天賦英姿迥出羣。動合兵書真熟武。
閒觀經傳亦通文。高明不受梁公像。智勇能追漢將勳。
慨想丰標豈易得。爲停車騎拜穹墳。

謝郡侯張公禱雨輒應 明孔天胤

使君閔雨愜靈心。一請垂天三日霖。笙鼓水龍喧社處。
兒童竹馬躍城陰。青山閣眺晴光滿。翠野帷褰秀色深。
歲有何人不稱慶。老農先奉萬年吟。

望介山緬懷郭有道先生 明孔天胤

鴻飛白雲中，衆鳥徒營營。達士一何遠，杳然凌太清。內
蘊保身哲，外無絕俗貞。橫波順仙棹，角巾偶華纓。誓將
斷巨鯨，支彼天柱傾。時哉不我與，高嶺獨含情。

送李西渠通府署汾畢事還潞

明孔天胤

五龍高郡出浮雲，一鶴清風借與汾。月在冰壺同亮采，
雨隨芝蓋下晴曛。舊疆還守車仍邁，新館留行袂竟分。
東望迢迢盡烟樹，可勝嵐嶺復氤氲。

贈程一山叅戎始建牙汾郡

明孔天胤

北闕授符推轂後，西河分闡建牙初。宏修軍禮昭文幕，
遠聞兵威到朔廬。戍靜關山和月唱，氓安隴畝帶經鋤。

方知上將收全勝，頓令邊庭絕羽書。

贈張龍嶠太守入覲榮旋

明孔天胤

春日朝迴守舊疆，萬家烟景襲餘光。桃紅細雨隨車下，
蘭葉香風引綬長。再見王君馳蜀道，重逢寇老借河陽。
依然美稷兒童輩，竹馬紛紜迓路傍。

仙槐觀訪王全真道士

明孔天胤

搶榆猶不至，容與道林翔。庭儼更生樹，人修不死方。詩
瓢逢隱逸，茗椀酌清香。無限青霞意，偏令此地長。

題林宗墓

明沈伯咸

小雨綿山過野田，林宗古墓夕陽邊。鴻飛萬里芝留澗，

汝州府志 卷三十三
鶴返千秋松卧煙，落帽清風爭折角。蕩州春水擬登仙，勤予亦致生芻奠。敢謂同心企大賢。

鐵索嶺

明趙訥

節節高巖上，誰知復有山。便當安見在，何事費躋攀。天險本自絕，人爲故不閒。因憐好進者，豈止仕途間。

普濟渠

明趙訥

城居厭煩燠，偶到南山隱。屋舍溪流處，田園雨後時。野花鋪作繡，嘉樹列成帷。霧隱無如此，慚非玄豹姿。

廣仁寺

明趙訥

高秋尋遠寺，萬象與心清。窻竹籠僧語，簷風遞磬聲。波

澄禪意定，葉落俗緣輕。但得閒中趣，何須世上名。

興國寺

明趙訥

勝遊憑地主，流憇有柴門。預問登山路，還將窮水源。古槐列疏冷，老栢聳駢繁。閒對高僧坐，鳴鐘晝已昏。

題介子

明趙訥

蒼蒼綿上遙，松柏滿山椒。古廟今猶在，遺魂不可招。乾坤留舊蹟，陵谷變前朝。斜日西風起，林巒自寂寥。

早度上店嶺

明宋岳

征輿當曉發，麾劍倚秋風。霜葉紅千樹，雲山碧萬重。村童喧吸水，野老醉攜筇。藩守慙多拙，惟應喜歲豐。

卜山書院

明慶成王朱知燦

卜山擁翠勢崢嶸。世遠空堂草自橫。澗底寒流鳴咽裏，令人疑是讀書聲。

謁狄武襄公祠

明范珠

宋祚方興未平。將軍百戰捍危城。流言難泯生前節，信史猶傳身後名。八尺穹碑蒼蘚合，一區故宅野雲橫。晚來風撼溪山樹，彷彿南征萬馬聲。

過黃蘆嶺題

明楊璿

冉冉夕陽西。行行信馬蹄。亂雲山遠近，碎石路高低。黃鼠作人立，玄猿迎客啼。自緣羈思切，觸景轉淒淒。

懷古

明楊伯柯

郭林宗

東京主德衰。舉世尚揚推。士論日以清，朝政日以濁。不知禍所基，猶自矜高卓。及乎黨錮興，善類遭捥摘。賢如李杜輩，駢首就刑劓。哲哉郭林宗，千仞翔鳳鸞。和不與物比，清不與眾角。立身有常儀，讒怨無由作。至今士一邱，士林仰先覺。

狄青

明楊伯柯

將軍奇特士。發身自行伍。志畧既過人，姿壯復英武。敵人望其來，畏之若猛虎。初破元昊師，遂荷范公許。一握

汾州府志卷三十一
大將符勃勃氣愈吐儂寇方鴟張一戰成逃虜此功亦
甚高予獨別有取不除黔面文不認梁公祖一事出真
誠卓哉越千古

校士喜雨

明趙喬年

同雲瀾漫雨垂垂正是三農閔望時太守何能尸帝力
皇穹原自軫民危煙籠棘院龍蛇舞霧擁文林桃李滋
自此西河多樂事微臣擬獻太平詩

汾州閱武

明魏允貞

親提虎旅控西河聞道

遮塞過關外秋聲生鐵甲

臺前霜色上雕戈材官一夜精神倍野戍三秦殺氣多

安得普天烽火熄盡將饒吹變笙歌

卜山書院

明慶成王朱慎鍾

洙泗傳經業河汾退老居山深惟石室泉隱自林墟樹
鳥鳴先哲階蟲篆古書聖門高尙千載仰芳譽

過金鎖關題

明朱鳳岩

世事已如此勞勞愧此生十年塵土夢萬里故鄉情曲
路稀人跡高天有鴈聲羞看白髮變忽爾壯心驚

文湖漁唱

明鄭儀

萬頃銀濤裏扁舟雜往還煙消然竹籜日上整綸竿睡
足蘆花月歌殘雲水灣得魚橫野渡心與白鷗閑

題法興寺

明朱表術

載酒東林上巳前，春風消息杏花邊。
日長塔院逢僧奕，草暖堦除見鹿眠。
流水漸融巖洞雪，清霄未散石堂煙。
平生也解求心性，一到禪關一了然。

亂後過天寧寺

明朱奇涵

禾黍離離烟滿川，寥寥孤鴈夕陽邊。
將軍馬繫禪林下，借得僧牀一覺眠。

鶴鳴古洞

明崔士棨

山人騎鶴入遙空，祇聽餘音振谷中。
遺跡千年成勝景，浮生半世類飄蓬。
黃花招客樽盈綠，碧洞棲雲木落紅。

忽憶家山深隱處，巢由高轍許誰同。

宿吳城驛

明黃素屏

登登鳥道亂山多，白草黃蘆遍石坡。
絕壁倚空凝積雪，飛流直下激層波。
紅塵歲月驚秋盡，清鏡勳名奈老何。
立馬西風增感慨，籌邊何日許重過。

過有道先生墓

明沈鍾

草根沙軟霜花白，客衣馬上寒於鐵。
介休縣僅半舍餘，突見高墳俯城陌。
乃知縣人郭林宗，千古於茲妥魂魄。
挽衣下馬立斯須，北面稽首躬趨謁。
憶昔漢季丁桓靈，黨錮之禍如蠟興。
海內英賢被名誤，枉死不獨滂與膺。

君名當世良不薄，角巾折亦人爭學。胡爲明哲獨全身，
黃鵠高飛能寥廓。我欲起君一問之，九原邈矣將奚爲。
青山亦復不能語，三復扼腕空遐思。嗟乎三復扼腕空
遐思。

孝義有感

明魏綸

薄宦觀風日蕭條，歲暮天空林巢鳥。露遠岫凍雲懸草
沒，文侯墓冰堅。孝子川自慚叨國祿，行役又經年。

立秋日遊東觀課應試諸生

明劉有誠

宿雨濛濛暑欲收，肩輿不爲訪丹邱。文昌昨夜輝三晉，
才子同時第一流。逼眼槐花忙驥足，報秋桐葉過樓頭。

熙朝幸際唐虞世，勲業誰當禹稷儔。

薛頡晚照

明張冕

一聲殘角又黃昏，無數牛羊遠近村。十里平川生暮色，
半邊林影入柴門。人爭問渡呼舟急，鳥欲棲巢向樹喧。
遙望幽巖深翠裏，孤鐘隱隱出祇園。

題林宗祠

明蕭啟

暫停車馬謁荒祠，高節清風想昔時。明哲獨能逃漢黨，
人亡誰解慟周詩。斷碑零落藏榛莽，古墓荒涼近路岐。
英爽若存應識我，生芻莫訝莫來遲。

窮民歎

明王文清

汾州府志 卷三十三
戊辰中秋同友人觀月而歸見閭巷有窮民向月
悲楚者因感而作 明王文清

乾坤萬里湧金波，碧霄滄海影婆娑。何秋不見光皎潔，
何人不見清冰雪。或捲蝦鬚厥鶴軒，或封蝸竇處鳶蹲。
或漱蟾晶喜炎息，或畏冰鏡愁寒織。或奏雲璈簇管絃，
或泣露葉血涕漣。非是天月有悲歡，貧人難與富人般。
貧人屋上非無月，貧人骨中髓已竭。種蠶全家無一絲，
種穀終日無半炊。得錢數緡遣一女，得粟數斛賣一子。
子女化離腸欲絕，吏債追呼心滴血。春夏蚩蚩盼秋期，
秋期怕見月上時。四壁磬懸寒徹骨，殘魄亦照窮愁窟。

啼鳥啞啞鼓角秋，鳴蜩噫噫鬢髮颯。梧葉柳林朝墜駛，
夢魂擾擾如欲死。慘淡蚺蟻和雨爲，閉門椎爾淚平湄。
今生願祝中秋月，照破窮愁四海歌。

白馬仙洞禱雨 明許天球

春郊聯轡訪仙蹤，洞口桃花色正濃。白馬已隨黃鶴遠，
蒼虹猶見紫苔封。重巒殿古懸雲榻，絕澗崖空瀉石淙。
爲報山靈元應禱，甘霖時霈慰三農。

過永寧 明李邦彥

匹馬來過舊石州，荒城殘壘暮堪愁。哭聲尙逐風聲咽，
兵氣猶兼厲氣浮。三晉黎民多北走，千山白骨未全收。

何時得掃 塵靖爲雪當年漢國羞

次平遙夜望 明韓邦奇

漠漠荒城署飄飄旅笛哀坐看寒燭盡愁絕夜更催冀
北花爭發塞西鴈不來歲華容易改春盡且塵埃

尹吉甫墓 明韓邦奇

瞻仰周卿士凄其古墓門苔荒啼鳥跡草沒斷碑痕
俎豆千秋遠儀型百世尊空留臺畔月常照此乾坤

讀壁間端溪韻有懷 明韓邦奇

不見端溪十四載江南塞北日相思郵亭此夜無窮意
壁間詩句壁上詩

孝義謁孔廟遇雨 明韓邦奇

星門侵曉闢化雨向春滋烏雀喧壇樹蛟龍起泮池衣
冠三晉士道德萬年師獨愧觀風使無能荅盛時

抱腹巖 明韓邦奇

崔巍峻嶺與雲連梵刹宏開際碧天佛殿有風金鐸響
石巖無雨綠蘿懸優曇砌上花香馥祇樹林中鳥性禪
信是空王有靈異祥光絢耀起前川

題介郭 明馬卿

林宗不絕俗介子固深迷秉心各自潔夷惠豈殊操嗟
我尙縻祿憂思日夜勞終然慕高爵長揖過林臯

謁有道祠 明胡漢

先生出處漢人豪半畝祠堂半野蒿古木寒鴉棲未穩
霜清天濶月輪高

由關子嶺發兵入綿上 明高叔嗣

戎衣曾事主羽檄日徵軍敢奮一朝畫而邀百戰勲深
山連古木落日斷黃雲愁思荒村夕誅求不忍聞

十一月朔孝義道中 明高叔嗣

山城風物歲將闌行縣初因問俗安授歷漫驚違一載
趨朝尚計逐干官煙鐘動闕天微曙火樹薰庭夜不寒
久忝恩私今始悟簿書催急驛程難

試府學寧鄉兩學諸生明倫堂 明文翔鳳

巴蜀規王者西河疑聖人荆州既持論終亦謬稱臣從
來多自大不免笑洪鈞龜茲應非馬匍匐壽陵塵夜郎
休擬漢禹圖曠無垠六經續王氏雅志抗千鈞庶門談
禮樂雍雍在河汾仇董將無福顏冉未堪倫姚薛成中
說軌以當泗濱遂被吳楚誚壯夫挂志曠吾道歸位聖
如奉斗樞尊羽儀方端木九江苔濫淫忝應教化主廣
大括一元堂端危獬豸代野括麒麟誓以天人力破茲
歷劫昏長庚寧右幟犬丙推輕輪一戰清江湖再戰踰
崑崙奇書收羣玉明珠采大秦希聖稱良宰絕筆贊獲

麟文學匪具眼，言語聊激唇。卜山一杯土，甘爲魏侯藩。
願曳垂雲采，八紘掩俊民。彌天兼四海，釋習妙羊羣。

巡西河見兩學諸生郊迎，輜軒有句書以示之。

明文翔鳳

子佩青於千樹柳，帳紗紅是半天霞。桃花水裂文湖錦，
蘋末風還后土家。電影欲飛登座右，帝鄉新到借書車。
吾將促發陽春箭，坐督烟香入露華。

西河建衡文臺告成，予以春十三日初蒞，喜賦。

嬰鳳

乍見文昌第一宮，梁拖飛電礎盤虹。僊靈拱手紅雲握，
星座垂光綠玉瞳。春借錦毫干氣色，運憑神力破鴻濛。
誰能敏冠三千士，蚤攬青天繼聖功。

題林宗

明蕪舜澤

高張琴絕絃，暗投珠委路。嗟哉東都士，禍樞踵危步。
穆郭林宗，深心托幽素。含章貞自抱，誠微幾早悟。仙舟
聊可竝，墮旣豈堪顧。懿彼烝民章，明哲伊誰賦。

秋月登石樓山

明李瀚

倚醉尋殘壁，拂雲認舊題。林扉秋色早，山崦夕陽低。
鬢髮雙吟屐，清風一杖藜。興來還履險，疑是躡丹梯。

閩士西河值久旱喜霖雨沾渥漫賦二律步壁間文

太青先生韻

明吳時亮

教衍河汾聖澤賒，人文蔚起赤城霞。薰風徧洽凌霄士

甘澍挖敷望歲家應識詞源能倒峽敢云化雨即隨車
滄溟波湧神魚躍會看文湖翻浪華

森森桃李晉陽宮劍倚青天氣吐虹燭漢奎光絢五色
連城寶焰徧雙瞳望慚韓斗雲霞迴澤借商霖煙霧濛
藝苑漫誇香雨潤滋培玉樹摠神功

登南山寺有感

明王守履

尋幽覓景好從吾茶命僧烹酒屬沽舉足心常防錯誤
登山路不畏崎嶇摩霄松柏風霜古傍月禪林世界殊
羽檄忽傳頻悵望朝天何策獻奇謀

過林宗墓

明黃洪昆

角巾吹折憶王孫出使星軺過古墳汾水魚龍開白晝
漢家宮殿正黃昏保身暗識高賢恨駢首誰招黨錮魂
千載精靈何處是鶴鳴華表夜深聞

弔子推祠

明楊巍

每於青史想高風故里經過悵望中欲弔當時栖隱處
滿山殘樹夕陽紅

源泉

明王一魁

縣治東南三十里有泉出山下名源蓋即酈道元
緜山石洞水也泉分東中西三河余為濬渠均流
漑田萬畝且著約束以息爭端民甚便之又改建

源神祠宇祠前起樓曰鳴玉又構軒左右曰趨稼
三河北去是橫汾日極平川幾派分遠岫連天都入畫
圃風吹浪動成文決渠競注瀟湘雨奮錡俄興觸石雲
為問田家何事業休將游惰悞耕耘

倚山樓閣鬱崔嵬蜃氣疑從海上來入檻泉聲鳴珮玉
當簷樹影落罇罍將縱野雉高還下驅犢農人去復廻
欲向秋風重寓目離離禾黍繡成堆

長春觀

明鄭柏齡

烟霄開紫閣雲日亂青林怪石臨流淺幽花入院深
縈迴盤水曲迢遞俯岩陰為愛山源好春來幾度尋

汾上夜歸

明裴邦奇

一篙烟水碧潺湲幾片秋雲度遠山最愛白蘋洲上月
夜深常送釣船還

住持天寧寺

明釋妙總

語言全不滯高涉祖師蹤夜坐連雲石春栽帶雪松鏡
明金殿冷山苔月樓鐘有問西來意虛堂對遠峰

半癡

明徐渭

小鳥形半於雉名半翅癡而易襲又名半癡縣山
多有之

厄與癡相半禽將鼠共縣

上谷人與黃鼠共稱

味雖供客好名却

使人憐。所下惟雙筍。何妨少一拳。如聞三嗅叟。笑殺雉
羹筵。

督家僮築場

明朱慎銘

露墜聞秋氣。原田已漸黃。夕陽西嶺下。暝色遠邨涼。爾
輩宜乘月。將鋤好築場。蟲吟聲在草。切莫誤相傷。

過屏風山

明王鳳翼

天外屏山類削成。葱籠佳氣接孤城。松蟠鳥道侵雲直。
水遶羊腸徹澗清。騷客揮毫堪作賦。仙翁跨鶴欲吹笙。
深林不見樵蘇者。絕頂風過短笛聲。

汾州府志卷之三十四

藝文八

與胡處士庭訪北齊碑

顧炎武

春糴亂青山。卉木苞未吐。繞郭號荒雞。中田散野鼠。策
杖向郊坰。幽人在巖戶。未達隱者心。聊進蒼生語。一自
永嘉來。神州久無主。十姓迭興亡。高光竟何許。棲棲世
事迫。草草朋儕聚。相與讀殘碑。含愁弔今古。

子德自燕中歸省我於汾州天寧寺

顧炎武

一載燕臺別。頻承注問書。天空烏鳥去。秋到鴈行初。共
識斑衣重。偏憐皂帽疎。輕身騎款段。一徑訪樵漁。

過郭林宗墓 顧炎武

路畔纍纍墓石多，中郎遺愧定如何。應憐此日知名士，到死猶穿吉莫鞞。

介休 顧炎武

淡靄生巖際，奔泉下石間。龍蛇方起陸，雀鼠尚爭山。雨靜前都市，秋凋故國顏。介君祠廟在，風義負難攀。冬至寓汾州之陽城里中尉敏浮家祭畢而飲有作

顧炎武

歲時常祭祀，朝夕自饗殮。尚是先人祚，誰非故國恩。枯畦殘宿雪，凍樹出初暎。奠醊求何所，鄰家借小園。

流離踰二紀，愴怳歷三都。墮甑煤還拾，承槽酒旋沽。荒庭依老檜，空谷遺生芻。白髮偕宗叟，相看道不孤。

王孫猶自給一頃，豆萁田今日還相飯。千秋共爾憐青門餘地窄，白社舊交偏。傳與兒曹記，無忘漢臘年。

嘲松 胡庭

汾俗正月斬松枝，植門前。或編花朵其上，夜炷香。

苞中

誰向石橋畔，移來金谷闌。陰濃連上苑，跨據近通津。散子叨佳饌，分枝占艷春。遨遊游冶客，鑒賞老山人。解與歸僧佞，曾爲社鼠鄰。昇睇梅竹友，貴狹虎狼秦。巢頂鴟

梟滿乘涼犬彘頻晦冥藏魍魎交互長荆榛夜黑啼風
雨秋空詫鬼神籠雲深蔽日攀葛遠聯姻窅窅號天籟
時時墮暗塵高低香饋送南北鳥逢迎直作千年計長
存百尺身會無滄海固太認棟梁真粉蝨俄爭蝕條枚
不重新焦枯拳蜩縮垢膩宿龍困望影堪加聖批根欲
錯薪甘棠猶剪伐切莫怨洪鈞

向陽道中

胡庭

曲折向陽道遙瞻路渺茫形從驢背子泉逐佩聲長鳥
道繁花馥人烟古樹蒼嗒然回首處落日半山黃

望縣上忌坂作

王士祿

南望介休郭青山鬱相嚮爲問斯何山云是古縣上子
推從亡返託迹此巖嶂公子詎鳥喙斯人自選尙旣殊
少伯逃復異靈均放焚林良已奇抱樹或過當疇知志
士心未易恒情量誰代歌龍蛇其迹類有望棲隱儻不
終懼爲高人謗田光齒利劍瀨水沒清浪所貴明一心
何能畏死喪嗟彼苟且人浮沈詎爲曠

介山

王士正

驅車縣上聚懷古縣上田授璧事已遠遺跡今虛傳晉
國昔多難公子寔大賢五蛇爲之輔一蛇獨耆乾身隱
竟焉文狐趙羞比肩逃榮誼固高報德理亦然徘徊望

忌坂落日無寒煙，何人貪天功，嗟哉南內年。

郭有道墓 王士正

大槐坂上逐車塵，爭效先生折角巾。至竟清流解亡國，望門投止是何人。

謁文忠烈公祠 王士正

精神如破貝州時，晚節猶能動四夷。天遣不同韓富沒，姓名留寇黨人碑。

送張劭之平遙 朱彝尊

彼汾沮洳吾舊遊，送爾匹馬逾徐溝。人行芳草碧於水，日出杏花紅滿樓。楹中酒味苦桑落，簾外鳥聲黃栗留。

客居適意遠亦得，搥筆詩何所求。

介山石乳泉 傅山

佛恩滋靜者，石乳勅龍潭。菡萏瓊茹引，摩尼玉線甘。惠該功德八，清徹法身三。二勺醍醐足，那伽不許貪。

三道河 傅山

三道河邊春可憐，桃花一曲起紅烟。老夫不解先生樂，日日偷閑學少年。

柏窰山四首 傅山

今秋何秋兮，乃從河之涯。物外三四人，帶情聊烟霞。灌薄得霜早，蒼翠紅紛拏。嫵媚領南國，睥睨摘幽花。言言

語語而行行來相窳。

翠柏燼幽壑。細雨騰秋香。柏根轆轤。罅雲根函一牕。老人忌清薄。朝暎散林光。俯批綠影入。石房殊不涼。坐久神氣和。探書有蒙莊。林邱之所美。先令靜慧生。礪礪出菴。菴可以弄文章。

前窳多茂柏。後窳復松林。既無樵蘇擾。亦鮮羶葷尋。高步取微徑。香綠滴素襟。牕外有虎跡。牕中冥坐吟。彪炳此畏友。總勝奴子臨。

大石任坐卧。古蘚天花茵。何處能喪我。入林即外身。親知時時至。相感獨晨昏。

端陽後一日同高春元王監元重遊豸嶺寺 王之儀

綠醞青尊過梵宮。淡雲疎雨散長空。花香隔樹紅千朶。草色浮烟翠幾叢。見慣自甘野鳥狎。飲豪獨與故人同。歸來豸嶺峯頭月。已背禪林返照東。

孟門洪濤 梁榘

孟門西向瞰秦京。萬丈蒼山鐵削成。日暮寒鴉啼古樹。夜深殘月照孤城。導開積石河從軌。崩落梁山水逆行。未闢龍門真個險。商家曾此借藩屏。

行次孟門 高首標

春日儘憑弔。輕鞭指孟門。望烟迷舊堞。穿樹見孤村。積

汾州府志 卷三十一
翠來山色迴濤咽水痕疇桑千榦潤岸柳一天蕃辨籀
尋荒碣漱醪愛木樽俗甘耕鑿味人絕市城論坐久看
雲亂行遲聽鳥喧避煩堪憇此何必問桃源

題栢山廣濟寺

辛東山

屏山城郭水雲鄉沙磧孤村度柳行巒嶂曉晴天漠漠
人烟日落樹蒼蒼兵戈阻絕終年險鎖鑰清嚴此道長
問俗開襟延故老白頭爲我見鴻荒

老松歌

顧崑

西山啣日日欲落潺湲萬派生波濤鏗鏘鏗鞳發異響
九天何處吹雲璈卽而聽之聲在樹虬姿偃蓋松風號

離奇天矯一百尺雪榦霜稜金石牢下有伏竊之精上
有仙露之膏蒼龍叫虎豹隼鶴鶴舞燕雀逃風雷相護
神霧扶于霄蔽日聲勢高吁嗟乎胡爲蕪没于荒崖絕
壑之間徒令人徘徊瞻眺而蕭騷

離石行

顧崑

離石離石蚕叢道插天峯頂田星羅農夫腰鎌插禾黍
耕雲鋤月何差我比年赤龍煽虐來青霜肅殺降奇災
夏麥枯稿秋稼傷黃鳥驚飛中澤哀黎民子遺滿路衢
兒別爺娘妻別夫斗粟貫錢隨人走烟鬟霧鬢啼嗚嗚
村落八九長荆杞雞狗無聲鳥雀死黃狐直立官道旁

白狼跳梁入城市，吁嗟造物何不仁。繪圖發粟徒苦辛，天王自聖大官法。燮理無狀在微臣。

夜聞城外澗聲

顧崧

白晝不聞聲，潺湲入夜鳴。隨鍾度遠岫，和月到孤城。濤起松翻雨，響沉茶沸鎗。頗諸山水癖，塵夢一時清。

冉之茶亭道中

顧崧

行役亦已慣，荒山一倍遙。斷崖誰補石，亂水不安橋。馬畏霜蹄澁，鳥驚春樹凋。老夫嗟况瘁，空自羨漁樵。見慣仍閒事，行吟聊一題。松梢欬老鶴，石齒漱寒溪。巖古蘚都黑，谿深逕轉迷。居人樂故土，老稚自提攜。

屏山樓和韻

顧崧

阿誰經始費，誅茅東面樓。成瞰遠郊萬，嶺雲霞生屋角。千家烟火出松梢，石衝野澗喧微浪。木落寒鴉露舊巢，吏隱居然塵外致。移文不用更相嘲。

師莊道上

顧崧

萬山稠疊隱孤城，澗水西流活活鳴。野寺峯坳樵路細，荒村石罅爨烟橫。境鄰邊塞征難緩，歲隕嚴霜稼未成。慚愧斯民猶古道，壺漿簞食有逢迎。

卽事

顧崧

救荒無策實堪嗟，鏡裏朝朝添鬢華。家室化離悲滿目。

春風猶放女郎花

山城春色又平分無那愁心欲望雲花柳寒深渾未見
江南紅雨落紛紛

校士西河時方憂旱忽降甘霖喜賦二律和文太青

先生石刻原韻 李觀光

半載馳驅道里賒甫來石室想煙霞時當蒲木紛千畝
雨足田疇樂萬家自信此心爭似水漫言甘澍好隨車
論文且喜消炎熱擬向郊原攬物華

芹藻方思樂泮宮更看化雨吐長虹懸知潤物資蒼昊
何事尋仙問紺瞳載酒鶯啼聞曉曉插秧人滿滴空濛

逢年況有蠲租詔鼓腹羣黎頌 聖功

之寧鄉所治紀事述懷三十韻 呂履恒

攬轡雞鳴候之官鳥道邊漢家離石地禹貢冀州田下

下難分壤高高欲上天峽花邨舍隱嶺樹縣城懸驛路

綠沙磧關門鎖澗泉三家忻市集一木畏橋巔晉趙多

征戰河山屢破全妖星躔彗孛野日耀戈鋌谷沓黃巾

聚峯高赤幟寨耕牛充犒餉牧馬躡園廛況乃因饑饉

如何歷歲年鬻妻艱易米質產怯增錢黑嶺春添戍黃

河夜捉船雨昏明鬼燐睛眺絕人烟往昔民耗矣登臨

意悵然壘培餘土在陶穴幾家延山荳稀仍發墳松斷

復連燕巢依木作，鬻乳入村眠。氓業應思復，官階敢望還。
微名遭盛代，深意附高賢。未種河陽樹，遑揮單父絃。
行觀新麥隴，卧弛舊蒲鞭。退食簷雲落，移牀牖月圓。
竹聲清響勁，槐葉冷淘鮮。蜡祭時迎虎，遺風有獻豨。祀崇民藉鑒，俗樸吏忘權。
祝聖聞歌壤，經時感濟川。風雲銷赤手，日月去華巔。冉冉侵衰甚，悵悵逼恨牽。
祈年希道泰，天地荷陶甄。

祈雨行

呂履恒

雲者風所讐，見之則震怒。不惜吹雲去，孤日其誰與。雨能青我苗，風能赭我土。我土氣力薄，歲豐拾斗許。沙膚

裹石骨，耕鐵茹。復吐官租月，以分率半十之五。婦媪子懷抱，十五亦何取。入城視長吏，飲水祈甘雨。甘雨不可得，鐮鎬器壇所。

坤元宮雙松歌

呂履恒

雙松東西互爲友，丹楹粉壁江聲走。枝幹排雲入窈冥，萌蘖不知何代有。東株倚戶半敲斜，滿身苔蘚生霜華。雷霆忽起蛟龍怒，掀翻鱗甲張爪牙。有時風靜日移晷，青陰覆殿涼於水。元氣茫茫混太清，幽叢寂寂棲神鬼。近西一株獨正直，亭亭上出千峯碧。流膏入地似黃金，偃蓋扶天蕩白日。主人延客坐其側，舉杯不飲皆自得。

與君同結歲寒心。隨天自布陽春澤。嗟哉雙松的的有
根株。哀今之人似此無。

屏風山 呂履恒

一徑通林幄。千崖厰石屏。瀑聲紛積雪。日氣漾空青。獨
立高雲表。羣瞻太古形。不知真宰意。鏟削待誰銘。
情移忽黯澹。車轉自低徊。勝地無終極。何人見始開。中
巖環日月。衆竅吐風雷。欲問樵夫徑。松聲隔磔來。

雲棲嶺感賦

呂履恒

天畔羣山勢不平。登高欲賦客心驚。松巖雨細猿寒嘯。
花谷雲深鳥暗鳴。水碓曠餘惟草宅。火田兵後少人耕。

幾時村落還成聚。兼遂林泉吏隱情。

秋日寧鄉關有感

呂履恒

宿靄幽林曉自昏。晚花殘照更銷魂。秋山雁度黃雲嶺。
古戍人歸白石村。宦況清華惟水木。農功寒雨爲饔飧。
停車陌上詢田父。舊里千家幾復存。

黑坡廢村有復業者喜而賦其事

呂履恒

數椽茅屋萬松間。一帶新疇是故山。慚媿鶉衣和淚說。
餘生今爲使君還。

田婦朝饗汲石潭。山花將采已盈簪。烹來土銚無香茗。
坐對松巖飲亦甘。

山菌新鮮獻乃公，草間長跪捧筠籠。憐渠雨嶠霜林裏，念我清齋孤署中。

石田新闢雨初收，女媷男耘正麥秋。傳語吏人休駐馬，恐驚雞犬入林邱。

石州道中 呂履恒

白日下汾曲，清秋宜遠行。泉經山店引，烟望驛樓生。背嶺人聲接，刊林鳥道平。亂餘初買犢，逋賦賴深耕。

離石雙松歌 呂履恒

離石西南林壑奇，兩松離立皆殊姿。大者勁挺百尺外，雷雨恍忽生虬枝。其一東偏勢尤古，攫拏偃蓋蟠蛟螭。

黛色半浮巖岫出，蒼鱗欲混青冥移。高齋短墻在阿堵，暇日緩步相追隨。吾兄爲政多餘閒，減騶撤蓋攜餅卮。盛夏山城朋好稀，獨與兩松結心知。晴風舒卷微濤生，謾謾過耳塵襟披。其時日夕山氣佳，樓臺倒景何參差。造物豈供耳目玩，霧根疑有神鬼持。香臺盡亞山殿冷，颯然如在涼秋時。摩娑欲去還復留，酒酣爲作雙松詩。

夏日遊栢窰山卽事 呂謙恒

首夏氣清和，凌晨訪薜蘿。仰窺空碧小，坐挹野芳多。騶從無塵事，壺觴有嘯歌。石房題字滿，處士舊羊何。

李陵墓 梁杰

雲中憶上望鄉臺，黃沙極目迷龍堆。落日邊城胡笳動，
 但聞牧馬鳴聲哀。將軍賫志忽以沒，不勝憑弔獨徘徊。
 君不見鞬汗山下戰鼓絕，成安一死早自裁。又不見李
 緒教兵為謀主，單于用事無相猜。故人數把刀環示，曷
 不屑意同歸來。徒欲得當報于漢，曹沫七首安在哉。生
 既莫望關門入，何處魂從故國回。汾水深深懸山崔崔，
 地下孤城骨應朽。愁雲終古鬱未開，韓嶺土三尺介休
 樹幾枝。由來多感喟，寧獨少卿才。嗚呼！只今鄉人作寒
 食，乾粥猶能祀子推。

賈侯廟 梁杰

表裏維藩地，緣邊偏五戎。當途失其馭，分部汾西東。劫
 運屬典午，妖魚兆夢熊。本非池內物，況假之雨風。一旦
 遭反噬，郡邑鮮完墉。岌茲彈丸土，四面圍梯鞞。侯竭捍
 禦力，城亡身與從。矢志豈苟活，堪笑賊將崧。允矣史臣
 贊，方搽美勁松。曾謁睢陽廟，勒馬弔雙忠。靈旗颯颯動，
 待衛森且雄。每當春秋社，簫鼓奏明宮。雞豚爭報賽，豈
 但慶年豐。維侯流澤遠，麻烈先後同。隱作山河氣，長扶
 社稷功。至今蒙保障，列戍靖邊烽。

上光岩寺 董柴

隱現光岩寺，林深徑自通。山僧逢谷口，野鳥下雲中。涼

借千峰雨秋生一樹風南樓高敞處塵慮滌教空

謁有道祠 董柴

偶來東郭外繫馬謁先民高蔭槐猶古遺碑篆又新一
身超黨錮千載表人倫細雨祠前暮臨風想墊巾

超山西莊 劉嶠

西莊連一山澗水割東西鑿石穴居隱列樹學巢棲種
禾高山巔汲水下深溪谷轉人不見但聞午時鷄巔上
松如蓋孤煙與之齊欲捫藤蘿徑不得通輪蹄

超山 劉嶠

一片超山色連天翠欲浮淡句常入夢今日始來遊攀

樹晴雲豁沿花曲澗幽鶯聲三十里速客遍枝頭

紫葢臨深澗扶筇欲上難低徊綠石磴矯首忽雲端天

闊諸峯小風高五月寒細尋幽勝處引入坐中看

謁梁萬戶墓呈康大太乙 劉嶠

大元文物訪平遙繫馬荒墳石象牢綠水長鳴嬰澗細

青山不改麓臺高英雄事業埋蒿里松雪風流見鳳毛

梁墓碑趙子昂楷書 五百餘年誰呵護好憑金管起人豪

登麓臺山 劉嶠

煙樹天邊度幾村青山萬疊麓臺尊下方城市渾無見

一片雲飛出雁門

麓臺山歸 劉嶠

拾得白雲馬上行，千山萬壑向重城。歸來夜半寒窗下，猶聽松濤作雨聲。

栢仙觀古栢歌 王綬

平陶十里西南行，栢仙之觀明朱薨。樵牧不至剪伐少，老栢得壽以仙名。瞥見蒼翠浮天際，近身拔地起復傾。磊砢盤掣幾千尺，鬱曲剝蝕癯而清。本根數人圍不得，分支參錯猶弟兄。一支北頭挺然立，扶疎柯葉垂繁纓。次東鐵幹勢欹側，欲趨未趨還力撐。次南瘦削如髯叟，羽騎鶴擎調吹笙。廣成偃佺呼欲下，岸幘磅礴饒縱橫。

就中青銅蕩白日，聯絡行列如有情。最奇老蛟西騰走，鬚鬣戟張神魂驚。五丁力士不可挽，攫挐奮怒凌高閭。風雷震動儼回顧，鬼廷彷彿靈虬聲。奇姿異狀絕不類，仙邪栢邪難區評。超山俗吏對之飲，徘徊一酌癭瘤觥。大冬嚴寒未彫改，暑伏白晝移陰晴。甘子落堦盈道氣，香脂自服已長生。天齊地等閱人代，泰和柱石直孩嬰。一形仙化今如此，荒唐秦漢疇定衡。吾聞孔明廟前栢，霜皮黛色非凡英。螻蟻鸞鳳杜陵句，愛惜奚啻錦官城。又非荊州與新甫，詩書名號徒喧轟。土衰木盛爾何意，支離偃仰同老僮。真率無言長穆穆，洪蒙不鑿全幽貞。

汾州府志 卷三十四
巴東兩株亦千秋，栢仙栢仙吾欲從。爾蓬山瀛海訪飛瓊。

劉思齋游麓臺山以記見示，并錄壁間張中宿先生

詩步原韻，卽呈太乙思齋。王綬

麓臺青峭白雲頭，杖策高閒羨此游。石起疊峰何處是，嬰常名澗客初留。飲看萬壑千岩記，幾上城南縣北樓。失却龐公存守黑，壁間題句細凝眸。

超山幽居

釋際得

雨過千林霽，開窗坐翠微。蟬鳴孤樹靜，鳥啄落花肥。白日催人老，青山到客稀。誰能同寂寞，身世兩忘機。

名藍饒占跡，泉石足怡情。慢卷雲山色，厨分澗水聲。蒼煙樹碧漠漠遠，川平麥老桑空處。農忙帶雨耕。

夢餐優曇花作 于成龍

余讀書山寺時，夢餐優鉢羅花，卽吟一句詩，仙人

賜我鉢羅花，醒語純天和。卽性善 檢藏乃知鉢羅

花卽優曇花也，因賦以誌。

優曇曾記夢中餐，山寺日高栢水寒。雲繞佛龕常五色，香飄精舍比芝蘭。生平不識金銀氣，偶爾輕拋麋鹿灘。四十年來摩障盡，好教拂袖紫霞端。

黃河古渡 朱紹鳳

天地何年老，勞人半渡頭。浮梁隨逝水，斷岸落殘湫。猿
嘯秋風急，馬嘶曉月愁。爭如牛背上，閒欲看東流。

弔八將軍 顧凌霄

將軍玉牒出天潢，不許貲財齎盜糧。舌在豈能摧魯國，
膝強誰敢屈睢陽。早知國破家何惜，轉恨宗殘命合亡。
折頸裂冠悲獨慘，幽魂自可報高皇。

弔馮生 顧凌霄

儒林義勇寔堪推，守策津津數出奇。壯志未酬身土壤，
忠魂有淚哭城陴。雖無鴻績垂青史，自可蜚聲勒口碑。
宿草一杯長寂寞，令人空憶舊容儀。

介休道中大雪用歐公字體并次其韻 周在浚

繇山萃葎開蓮萼，爾來怪底雲氣薄。曉來韉馬欲出戶，
颯颯風聲忽大作。蒼崖不復辨狐岐，林宗祠前莽寥廓。
手縮難縮紫遊韉，目眩但覺光閃爍。沿村沽酒苦酸澁，
敲門乞火嗟冷落。胡爲歲歲勞行役，老我不如邱中貉。
聞道此邦春夏旱，棄兒拋婦隨人撻。道傍尙自多流亡，
慘傷半似依人雀。馬凍不前惟長嘶，僕餓急走遺芒屨。
忽逢年少披貂裘，豪興但誇逐兔樂。執手不暇問姓名，
金盃行酒恣傾瀾。擊解聃復慰老饕，最喜乾坤歸淡漠。
一時頓忘行路難，掌熱儘堪握冰撈。搖鞭我亦急馳去，

汾州府志 卷三十四 其
回首相看各狂噓。

郭林宗祠下觀傅青主鄭谷口重書蔡中郎二碑歌

用少陵李潮八分小篆歌韻 周在浚

軒頡文字不可見金石之刻飄殘雲劫灰之後若瓌寶
西漢以來珍八分歐趙當時已嘆息後之寶者誰為真
太原傅山筆力健以意摹寫多丰神我友鄭八號稽古
秦碑漢碣身相親當時客都下硯山 孫退谷少宰 曾卜鄰石
經遺字數晨夕寢斯食斯如對當時人重為臨摹儼然
相祠中兩兩同西向波撇矯健俗書遠興來老腕休屈
強中郎之文無慚容谷口之字多雄壯千載萬載難磨

宕傳鄭今時李郭行我來坐其下摩挲還作歌碑乎碑
乎從此流傳歲月不可紀風風雨雨奈此貞珉何

過有道祠見公他書中郎舊誄歎美不已因紀以詩

吳雯

繫馬古槐下槐花石堂偏誰書有道碑古法蛟龍纏其
文中郎舊書亦堪比肩嗟哉濁堂老縱橫照秋煙鴻都
蹟久蕪幃幕留殘鏹夏承誰呵護靈光猶巋然巍巍九
疑頌託迹於神仙此碑妙接武絕響續千年梁鵠鄙不
為頡籀或後先我來重歎息典型欣目前坐卧欲三日
苦被塵累牽上馬再回首孤鵬方高騫

麓臺龍洞 陳祖法

逶迤入洞口衣帶盡寒色竦身入深邃亂雲千里黑四
洞各離奇儼然如分域北麓地最崇潛龍為窟宅古木
橫深澗危梁俯空碧稍南聯二穴水乳交凝滴龍孫與
潤濟據之司霖澤東南更深窅腥風朝暮迫日沒萬鬼
號再來千弩集奔雷與噴霧鴻濛終古闢茫然驚飛鳥
何從振杖策緬想月上時皎皎照寒栗猛將擁嬌娥新
花附古栢

將歸渭南留別方明府樵舟 雷曰鑑

驚魂初定復何之春水柴門繫夢思最是陳遵能好客

幾番投轄遲歸期

官齋寢食動經年一曲驪歌着短鞭回首魏城斜日外

落花如霰柳如煙

平情讞獄信如神百里甘棠夾去津勒馬風前頻慰語

官箴最好是清貧

龍山書懷 釋德睿

深秋林木間青黃嘹唳南飛雁影涼二十年餘離漢水
三千里外滯中陽樓頭玉笛他山月溪上蘆花野店霜
差喜此身猶未老一肩瓢笠返江鄉

過穴居卽事 吳嵩允

茅穴依然古帝民。石田可稔未爲貧。膝頭舉步應憐汝。
敢耀冠裳學貴人。

弔八將軍 劉文德

敢咲金符肘後懸。天家義武勝戎旃。虎鬚盜跖驕鷗吻。
龍種王孫泣杜鵑。絲粟空筇膝有鐵。風雷交口刃無權。
長爲秦楚舒悲嘯。貫日虹飛憤始宣。

弔楊生 劉文德

浩然士氣凜難移。耻作圜人逐亂離。慷慨特歸鬢序死。
衣冠還付井泉知。忠魂兩夜重閨夢。信史千秋一乞兒。
得已從容猶不免。鯁生亮節最關時。

憶山寺舊遊 劉元錫

環山皆古栢。繞逕盡蒼苔。峯插青霄上。花開綠水隈。曉
煙迷雉堞。月色淨蓮臺。山有安國王城並蓮花石記得逢僧話。禪機
觸處開。

庚戌五月十有三日。署內隙地露難民骷髏三百零。

余立塚瘞埋。置田設祀。同諸公分韻弔之。袁學謨

聞說明時被賊攻。石樓最慘血流紅。嶙嶙白骨埋荒草。
盡是英雄節義躬。

經郭有道宅 袁學謨

西河高士昔稱仙。蓬華餘暉別一天。剪韭只知延上客。

窮經不厭鑄羣賢龍歸溟海雲 淨鳳隱丹邱毛羽全
漢代英雄今已矣寒鴉猶噪舊廬邊

南州孺子慕高賢遠送清風一榻懸鈎黨不逢藏石室
角巾無恙濯靈泉空庭皓月留餘照匝徑黃花繞暮烟
莫道遐飛鴻未杳羨君茅屋白雲邊

先生故址傍雲阡禾黍離離鶴唳天勝蹟空留殘碣篆
孤芳時帶夕陽烟霜侵老樹風還古秋滿荒臺月尚圓
今日訪仙蹤跡遠桃花洞口色依然

汾陽官署秋夜 周于韓

羈旅西河日高秋晚眺時涼風入幕早孤月到窻遲籟

靜琴餘韻機忘鶴欲隨東山何處是南雁去參差

金鎖關 邢秉誠

地險雄金鎖天工勝玉關兩崖巖勢敵一迥騎行艱荆
棘攢千疊嵯峨扼萬山昇平嚴戒少障塞亦常閒

游筆架山次白玉蟾韻 釋性善

白雲隱沒舊山家活計甜齋與苦茶睡起不知人世事
石臺講罷落天花

弔晉太子耶律妃墓四絕墓在城南二里許俗稱淨

梵王太子妃者可發大噱且謗佛矣詩並正之 康

乃心

鏡奩何代掩荒邱。瑤瑟玉簫出鳳樓。一自故宮人去後，年年煙雨泣深秋。

琉璃碧瓦照蒼苔，猶似鸞車寶扇開。妙麗夫人應有相，故教金粟傍如來。

晉國山河一夢移，君恩如舊鴈鴻知。於今墓栢青青在，黛色長留夜月時。

一枕千年向此中，山邨麥飯冷春風。憑他浪說西天話，三月桃花滿院紅。

哭于北溟總制 魏象樞

簡命深叨 聖主知，臣心精白總無私。清風亮節高干

古，更治民生濟一時。寢食難忘 宸翰重，死生未報

賜金慈。巖疆賴有斯人在，何事驚傳箕尾騎。

生與同庚性不殊，居然三晉兩迂儒。憐君盤錯身先瘁，

顧我膏肓病未蘇。南望江河誰復挽，北瞻雲日總難呼。

當年薦草曾聞否，歷盡平生一語無。

金鎖關 周超

一雙峭壁插天起，崢嶸勁敵相對峙。朶朶巉石色穿雲，勢欲壓覆行人悸。萬株矮樹棘成叢，互嵌迸裂根玲瓏。犬牙鹿角爭萬狀，罅漏一綫窺青空。吾送 王師亦策蹇，過此馬首勒莫轉。層岡叠嶂扼咽喉，百轍千途總不

汝州府志 卷三十一 四
三
舛三晉雄圖左太行黃蘆右度通秦疆迴環前劣不勝
數飛泉屈曲奔向陽南接狐岐北彪嶺汾石兩分內外
屏世平則玩久則弛自昔秋防最嚴整漢晉歷代巡邏
制專屯要害許奸宄控茲帶甲六十名斤墩延袤三十
里嗟今山勢空崔巍王公設險安在哉原非五丁巨斧
劈障塞無煩管鑰開王道本貴蕩平路唐虞豈恃山谿
阻謀國苟非兵食足總有天險亦不固君不見秦地崇
關一百二沛公先入誰能禦又不見萬仞劍閣蜀門戶
奉璽降王問何故但聞嘉隆兵氛來偏頭直抵汾城隈
俄能阻隘預守備何至四野烽煙摧吁嗟乎薄祿總磨

民社職保障申嚴豈無識夕照停鞭空嘆息

弔賈客 周超

亂離莫賤販夫名拔刃捐軀志獨貞大吼轟天人盡廢
九迴委地賊猶驚身羞蜚影三招辱命等鴻毛一擲輕
應笑計然推善筭遙垂七策止謀生

弔朱忠令 周超

關中鼙鼓勢縱橫殘破荒城邑宰驚勁卒三邊猶失守
孤臣八口盡捐生冰清泉路形先現瓦解山河力尚爭
隆準無慚漢祖裔魂歸故里恨難平

弔武妃 周超

汾州府志 卷三十四
黃巾白馬勢縱橫。妃主捐軀并共清。絕勝湘君揮淚死。
羞從羊后腆顏生。重泉有志尋龍種。荒塚無人奠兕觥。
薄宦忝持風教職。奚容康定不蒙旌。

弔劉氏

周超

枕尸慟哭恨無天。簇擁難摧烈性堅。豈忍纖腰馱馬背。
自甘延頸飲龍泉。綠林敢使朱顏汗。芳草猶教碧血濺。
寄語史臣彤管載。清風嶺上舊痕傳。

仙童原

方士模

經過原上路。怪石踞松根。一自仙童去。千秋暮雨昏。砧
聲傳別浦。瓜蔓匝孤村。地古人多壽。鉏犁課子孫。

宿龍山寺贈雪岸上人

方士模

石磴盤空上。禪林帶夕曛。俄然身外事。已付嶺頭雲。花
影閒堦照。蟬聲隔院聞。剛來逢結夏。聽偈到宵分。
深山僧臘古。白髮倚枯藤。筆瀉春江水。心寒玉井冰。鐘
聲檐外月。人語佛前燈。去住憑浮世。何須憶武陵。

貧民行

方士模

中陽之民勞且苦。西山高下皆瘠土。鑿坏作廬長兒孫。
倚蘿爲幕雲爲戶。土鏗然煉照眼紅。煨背詎分寒與暑。
轉託充饑半糠粃。客至倉皇憂空釜。鶉衣綻裂罅不遮。
鵠面皴枯氣如縷。洊荒三載幾空存。父子散竄迷處所。

招來田舍已榛蕪官賦私逋浩難數我今承乏懷撫綏
無術深慚衆人父昨朝有機督催科流民難繪心酸楚

勸農 方士模

桑陰布穀鳴田家競舉趾辛苦此農夫披衣亟晨起巡
行遍郊垌青塍時憇止勞來傾壺漿聽誠集疆以昔者
魃頻災維草宅其址揚箕砥糝糠採山餌石葉歲事滋
漸登不聞呼庚癸三春靈雨零四野輓轡委時哉不可
失努力劃疆理畎深耐風旱器庀戒厥嵒毋爲鹵莽耕
庶博田畷喜盛世無遊民黍稷看疑疑

望縣山弔介之推 方士模

拔地蒼崖起岩堯劃碧天曠明秋色裏凸凹暮雲邊白
骨旌何補青烟禁尙傳幾時一藤杖憑弔倚層巔

丁未首春三日有雉來署中集衣笥上馴習不去如

家禽然紀事二首 方士模

政拙惟遵三字箴無端雄雉到花陰梳翎爲愛文章色
厲響思明耿介心自向堦前分鶴俸不從海上駭鐘音
中牟異績吾何有謾詔休徵詭藝林

憶昔祥鸞下德輝

唐開元中楊仲昌令孝義有鸞集公廨桐樹間太守蕭恕表其事於朝

春城今日又鸞飛吉占敢比蛇蟠笥寵命難希鷺畫衣
却喜無媒來冷署非關防患遠虞機公餘宿食能相傍

只當籠鵝換字歸

過鶴鳴古洞 呂文櫻

跨鶴仙人去，遺踪寄碧岑。得音方信近，探洞不知深。丹頂雲隨杳，黃冠壑共沉。空留餘響在，千載費追尋。

弔雷節婦齊氏 呂文櫻

天地有正氣，秉作匹婦烈。豈爲身後名，濺賊有碧血。亂擊罵益厲，心若九鑄鐵。甘死鉅石下，清白不可饜。詔旌大節存，一坏猶凜冽。

讀黃太僕公殉難篇 呂肯堂

我聞星嶽鍾間氣，生人秉之得英銳。殺身成仁自古難

忠肝義胆照天地，君不見張文昌守睢陽，血戰四百誰能當。又不見顏魯國罵賊舌，淩淩氣奪李希烈。我今披讀黃公傳，凜凜如見顏張面。公馳五馬遼海來，汾州方賴仁風扇。大同姜瓖本新降，心屢反側舉兵變。賊黨突至圍汾城，黃公氣憤經百戰。內無宿飽兵，外無樓蟻援。羣醜勢方張，驀駭東門陷。張拳巷戰晝昏霾，孤臣力竭身遭絆。痛罵殉城義，素裕血灑英。風死不仆，卹贈太僕饒榮施。勅立特祠金碧聖，四篇家訓世德昭。文孫開府牂牁駐，天報丹忠不爽真。爭光日月廟貌新，顏張鼎足垂千春。

文湖漁唱 賈健

文谷經汾滙似湖漁歌傳咏蹟模糊流波千頃舟明滅
欸乃一聲人有無滄海昔曾變黍稷桑田今又走魚鳧
清音水面留風韻想像蘆花蕩裏呼

代西河長命女歌 周天益

儂本漢歌女採風入樂府誰料千秋後巍然食茲土特
因長命字謂儂本仙侶恐斯言不信寔之以漢武更嗤
好事者片碣藏陋語一旦搨以出閩然驚聾瞽且問聖
仙號錫自何帝主史册所不書徽典憑竊取倘遇釐正
人儂將何地處聰明正直一念此汗如雨而乃大標榜

求儂過阿姆莊嚴其廟貌輝煌其牖戶尊儂以正位俠

農以四輔昭濟自有屬紛若競樽俎邑志不知昭濟所出此晉祠水妃封

也號振僮猗那迎優令婆婆舞周市與曲街喧闐儼如堵

晨則薦牲幣夕猶考鐘鼓姬豎樂趨蹌駑慳偏儻僕熱

腸急供事冷眼自閒顧漸趨漸紛拏警以回祿怒不肯

測天心轉為廓基宇臧辰縱逆祀宣聖嚴鉞斧哀哉俗

情愚儂亦何屑數但念生育事此理自明楚厥初自天

地是為大父母或其積累深發祥自乃祖栽者必繁昌

傾者隨顛腐徃古暨來今鬼神鑒如炬何人恣媵阿求
取能越矩矧儂一女身焉能保爾後可惜鼎俎餘陰以

汾州府志 卷三十一
三
啖狐鼠可惜。釵鈿費竭以填谿谷。寄意夸毗子。何如勤
秩祜。爾雖潔肥膈。爾雖載清醑。豈不聞神不歆非類。胡
爲營營徒自苦。

馬跑泉 魏國卿

清源初見細涓涓。只是尋常石底泉。流出短牆才一尺。
便驚雪浪撼山前。

神泉傳有馬跑痕。騎馬空山覓舊源。收盡江南好風景。
一鞭紅雨十三村。

烟籠賢閣 魏國卿

三賢寓里古傳聞。師友文侯閣上分。百世清風猶澹蕩。

一簾佳氣正氤氳。笑他畫棟迷南浦。絕勝晴川漾白雲。
鼎峙於今馨配享。烟籠舊跡話橫汾。

彪嶺樵歌 魏國卿

萬尋彪嶺鬱嵯峨。中有神仙謫大羅。幾見岡前吹牧笛。
却聞巖際發樵歌。茯苓老處應蹲虎。棋局終時已爛柯。
市上往來人不識。負薪沽酒醉西河。

經上頂山 魏國卿

巉巖突兀撐青空。羊腸一徑綿長虹。綠崖逼仄夾兩脅。
陡從山脊穿雲中。往來過客迷今古。力鑿何年五丁斧。
屏障汾川鎖鑰雄。海宇東南此門戶。登臨忽見頂摩松。

虬枝偃蓋蟠橫峯遍體龍鱗老歲月大夫未肯邀秦封
時排雷雨驚濤起瑣碎羣山皆拱峙松摩山頂頂摩空
肇錫嘉名良有以我來欲問蒼然叟呼吸能通帝座否
恨無謝句足驚人落日驅車重搔首

狄武襄公祠

魏國正

崑崙封一九天險不可渡王師久環攻蠢蠻終負固天
使親把鉞方畧定指顧元夜大張樂讌飲天未曙巖關
忽崩圻虎穴熊羆據龍衣委逝波震霆掃瘴霧李愬淮
西城鄧艾陰平路公本大將材韓范知之素折節受春
秋恂恂儒者度面涅勸軍伍華胄絕依附二事人所難

山讀書故古祠崇報功檜柏風雲護負鼓逢盲翁猶
說銅面具

送徐明甫同年量移寧武八絕

魏國正

桂籍遙聯楚晉通曾攀清話旅燈紅
甲戌春晤公於鹿泉邸舍十年
別後無消息忽報神君卽我公

下車三日政聲馳白叟黃童手額時獄市不驚農在野
士林又頌闕宮詩
謂平反庶獄裁行戶勸農及修廟牌坊諸事

何人關節到閻羅大猾倉皇失揣摩不見秦臺懸鏡處
鐵鞭偏着鬼醫多
邑中胥役頗橫公痛懲之乃戢

負蝨久假事朦朧一滴紅泉水乳融個是我兒兒類我

沙州府志 卷三十一 四
青天霧散日當中邑有二婦人爭于久不決公令刺血
驗之立判上二事尤民間所樂道者

故及

目刮金篦鑿最真珠林一顧得奇珍試看月殿攀枝客

早是珊瑚網裏人觀風收李劉兩
生是秋皆捷

琴堂風靜晝無譁對客清淡興亦賒折簡有時來草屋

為言文舉故通家余閉關久公以諧
誼招時一往焉

文湖芳草露初零有脚陽春去不停十萬人家齊墮淚

笛聲吹折柳條青

北風料峭嶺雲屯琴鶴蕭然出鴈門勝得哀矜心一片

從看塞上轉春溫

徐荆山邑侯由寧武歸里過余留飲賦詩送之魏國
正

有母拋雛去一年空從雲外望青天公前蒞汾時
有青天之號投簪

過我重攜手戴笠逢君許拍肩拇陣喧闐更漏外楸枰

歷落燭花前來朝又是匆匆別酒冷香消意黯然

誄肯構郭優生二首德係

河汾風教在千載故斷然史列儒林傳詩流樂府篇回

思持節地頗識塾巾賢坐失青雲器沉緜且問天

舊隱中條下開簾每枕書一生留獨行九世信同居高

誼徵馴馭頽風激借鋤碑辭垂不朽試問有誰如

誄肯構郭處士梁錫璣

懿行鄉之重百年土一邱哲人今不見芳躅自堪留九
世張公宅終身晏子裘瑾瑜光祖德詩禮裕孫謀騎鶴
音容遠招魂草木秋朔風吹夜月陰雨滴青楸戚里傷
彌切素交嗟未休淚添汾水曲併入黃河流

戊子夏五由臨邑回汾郡望中見小廟甚整咨輿隸

得其概因記之 徐浩

古洞青山曲相傳有女仙歸來自文水未記是何年十

八部相奉三千界不遷隔溪瞻畫角疑在白雲邊姓氏

無人識麻田却翠鈿 相傳由麻田 郎君已逝矣仙子亦飄

然聲入先民耳 洞中昔有人聲今無聞矣 風銷卧虎阡 此地多虎 行行問

舊蹟輿隸口成編

題滙清園 徐浩

園亭誰是主憑弔亦徒然脩竹依前綠長松獨自豎暮
雲沉白水朝露拓輕煙化鶴歸來復曾孫不記年

登臨縣新城 徐浩

半臨溪水半憑山人在高低煙樹間諸葛造門通西壑
汾陽補閣蠹南關長空萬里雲霞窟平野千年禾黍灣
使者此來宣 聖德老農牧豎盡開顏

宋神宗賜文潞公詩石刻 曹學閔

元豐失道升羣佞王蔡紛紛執朝柄偉然碩果推潞公

灑灑老夫留正性。河陽出判移魏都。身在外臺如棄屏。
偶然入贊饗禮成。優進公階行賜慶。連章乞退仍慰留。
改守洛郊被新命。瓊林錫宴寵其行。祖道簪裾互輝映。
宮中寶器出侑觴。更有宸章發高詠。君臣唱和一時榮。
髣髴廢揚際全盛。流傳貞石幾摩挲。零落遺聞光志乘。
當時中外多名臣。曲說何爲惑主聽。如公聞望冠三朝。
曷不疇咨授國政。賜詩雖美奚足言。裕陵遺恨淆邪正。

狄武襄公祠

曹學閔

百戰會將宋祚恢。穹碑紀績尙崔嵬。致身有具從行伍。
黥面無妨出將材。談笑從容韜畧合。儀形颯爽畫圖開。

蕭蕭風栢門堂路。猶似崑崙甲騎來。

故鄉祠貌儼來歆。青史威名世共欽。帳下孫張才孰並。
朝端韓魏契偏深。大勛屢向巖疆建。浮議休愁末路侵。
一種深沉傳智畧。要從慎密識公心。

鶴鳴古洞

曹學閔

王喬去緱山。令威辭華表。仙踪一以遙。鳴鶴音亦杳。何
年有黃冠。此間結茆草。羽化托靈禽。騎之赴瑤島。道人
不復還。鶴響猶繚繞。古洞清且幽。遊人恣尋討。偶然一
鼓掌。嘹唳出深窈。山空谷應聲。疑和在陰好。我愛巖壑
殊。攜筇展遐眺。琳宮曉靄開。雲氣散晴曉。冷然風一來。

瀟灑滌塵抱長嘯學蘇門招鶴下林杪

卜山 曹學閔

山頭濃翠自氤氳
退老高賢此避氛
千載儒宗詩禮著
一堂文學晉吳分
隱泉曲折沿蒼麓
石室荒涼鎖白雲
謾謾松風崖畔起
空林疑有詠歌聞

臺駘廟 曹學閔

昔聞金天子嘗爲元冥師
厥嗣曰臺駘世業克繼之
帝用嘉乃績封之汾水湄
沈妣及蓐黃守祀沿宗支
滄桑數變滅沒不可知
傳書晉侯疾茲神實崇爲
當時鄭國僑博物無所遺
數語聳君聽血食爰在茲
立廟始唐代榱桷隆其儀
水官旣受職肝鬻存有司
功澤在斯民有禱必應時
村巫走報賽或降雲中旗
願神惠茲土賜雨無愆期
視彼汾流長利賴同留貽

渡汾水 曹學閔

權歌處處放晴川
風物依稀見昔年
歌向中流傳漢帝
渡經萬里感唐賢
當時行殿蒿萊沒
幾頃文湖荇藻連
便欲攜琴彈一曲
試看鴈影落遙天

石盤山 曹學閔

花村西去路林岫望中明
積翠千巖落孤雲一徑平
翬甍留絕頂雉堞隱遙城
拄策蒼茫處松風走壑鳴

初抵臨境石門塢作 丁宗懋

相傳離石舊，僻處大河東。一水來天上，羣巒在眼中。纖
盈榆半綠，冷淡杏初紅。最好知時雨，今宵四野同。

城工成東樓，譙集喜賦二首 丁宗懋

險絕岩疆，捍晉汾。滿城佳氣，靄氳河流，千里成天塹。
地控五原，接塞雲。廢墜何年，空悵悵。綢繆未雨，獨殷殷。
不煩鼙鼓，人趨事。續歌聲雜杵聞。

高樓此日啟芳筵，屈指重新到百年。蟠地雲根皆壁立，
枕山雉堞宛行聯。版圖式廓昇平世，耕鑿羣安作息
天。況復西疇歌大有，臨風欲試武城絃。

過孝子宋如隱廬墓所 梁文五

純孝傳於昔，豐碑樹至今。故廬烏啞啞，如聽蓼莪吟。

漢槐 康載嶸

有道祠前卧古槐，相傳當日手親栽。千秋榮落標孤節，
一代興亡付劫灰。偃蹇自安泉石志，摧殘應痛棟梁材。
祇今繫馬濃陰下，猶見高風拂面來。

己亥季夏雨後同諸社友遊柏窠山卽事 劉鑑

山口雲深萬樹攢，穿雲樹杪上層巒。息林野鳥千巖靜，
挂壁流泉六月寒。濟勝苦無康樂屐，尋源剩有葛洪丹。
相逢試問鑽山客，五尺石稜何日完。

自煖泉公回途中口占 朱懋炳

肩輿宵涉任家灣，問俗何妨帶月還。
麥秀最宜春後雨，雲輕不碍望中山。
傍溪茅屋河流近，薄暮村墟卧犢間。
勤儉不忘好樂戒，唐風猶喜在民間。

柏窠山卽事 厲清來

寂寂深山遍屐痕，羣峯限日斷晨昏。
數堆雲罩松環甲，千尺崖高柏抱孫。
遺世惟公勞寤寐，多情遲我伴琴尊。
低徊自惜飄蓬侶，散漫形骸安足論。

丁亥孟夏陪朱堂臺王學博步禱柏窠山歸途得雨

賦此紀事 王吉士

不教大地苦如焚，虔禱殷殷向水濱。

泉在聖母廟前，冬夏清冽，不增不減。

一片雷聲轟報雨，半空風色密堆雲。
千村禾黍沾膏澤，

萬戶謳歌頌使君。回首再看隴晦畔，秧針刺水正堪耘。

柏窠山卽事紀勝 曹鑑任

柏窠雙柏不記年，挺標盤石根蜿蜒。
使君知我好奇特，手磨如拍洪厓肩。
紫芝碧蘚乳常滴，服之可以成飛仙。
有客導引上絕頂，乃是能詩老鄭虔。
攝衣扳藤長發嘯，清陰萬木穿雲烟。
衆山羅列兒孫立，猿鳥閒閒虎豹眠。
巖壑幽哉夜雨綠，及時好花開後先。
攜琴堪奏南薰曲，一彈再鼓咽流泉。
下視郊原多起色，絃歌滿城禾滿田。

乘興載酒若甘醴舉觴豪飲翠微巔抽筆伸紙酌大斗
不惜盡醉傾百千岑參漢陂事已往但留工部之長篇
公餘行樂正六月入林炎涼分判然此身恍似東海鶴
暮栖三島朝九天兩腋風生殊覺爽落霞斜照摧言旋
從茲別路紅塵遠何日重來話澗邊

漢槐 王謀文

生意婆娑紀漢年古城風雨弔寒烟二千歲月盤根老
百尺欄杆抱影圓漫樹旗亭留醉客得尋華表拜高賢
征車頻向花黃過都在先生藻鑑邊

七星槐 王謀文

五沃之土產嘉木道傍歷歷種如粟昨從城東識漢槐
銅柯鐵幹贊不足官舍驚看得未曾好奇往往供所欲
端使身閑雅興多却對軒窗開兔日此樹移來數百年
深根貫石枝垂屋雲氣遙來山脈連苔痕欲斷波紋蹙
凝姿為帶曉烟青交蔭初宜春雨綠香飄漫繫玉駒駉
葉密遮樓金鸞驚玲瓏七竅歎絕異湯此嘉名誠不辱
中藏月魄影惺忪上應星精光熠煜即今列宿羅心胸
喜見文章出笥腹靈秀雖云造化功神奇原不受凌觸
我來相視若忘形赤脚歌吟屢往復材大希逢匠石嗟
賞真那不誇予獨摩挲差慰平生心兩袖頻攜風穆穆

高譚便可藉花茵清讌無勞設蘧苗天上常看映白榆
人間幾度然紅燭但得終朝賦酒泉底須遙夜聞絲竹
遭遇由來非偶然寄懷豈必都諧俗歸去溪堂繪作圖
對君日日醅

邑志載小人捍愚輕於犯法余甚憫之作此示勸德貴
漫言下里屬愚氓五氣都從造化生肢體全歸敦孝養
農桑世守篤庸行醇良禮讓能弭患刁健頑殘每觸刑
幸際雍熙敷化日願胥擊壤慶昇平

文湖漁唱 馬錦襄

不辨天光與水光滄浪歌處問滄桑漁家風月迷幽火

鱗族烟波是故鄉欵乃一聲雲拂影隱然半權笛生涼
卽今望去猶疑練可有絲竿掛夕陽

狄武襄公祠 程學孔

宋時武功誰足數將軍磊落起行伍百戰元昊掃妖氛
畧地攻城闚虜虎韓范二公竒其才左氏春秋授干櫓
將軍折節肯讀書異畧竒謀動人主丹青圖像霽天顏
樞密宣麻冊天府儂高流海廣東西天兵南討敢余侮
朝廷命將重出師臣青爲山奮厥武夜半飛奪崑崙關
賊將見面面如土始信布地百錢紅振旅闐闐奏凱鼓
勲名自足照簡青識量更能高萬古頰邊涅字不肯除

汾州府志 卷三十四
梁公像在非吾祖凌烟閣上多功臣有如公者今吉甫
土人俎豆春復秋桂酒椒漿薦歌舞

介山思烟臺

程學孔

樹隱綿山路崎嶇石磴連霜寒臺畔草雲過廟旁烟蛇
蟄焚林後鴉鳴禁火前只今偕隱處臨眺獨潜然

鶴鳴古洞

李瑤

古洞深幽寄此生人言跨鶴入雲行峰頭悵望無飛影
谷口空傳有唳聲響接山岩聞嚶嚶韻來崖壑覺清清
仙姿不識歸何處落得餘音應手鳴

文湖漁唱

李瑤

文湖好景舊曾多最愛漁人發棹歌一曲新詞翻錦浪
幾回古調散清波聲隨綠水無心去響逐金鱗得意過
緬想遺踪何處是依稀還自聽吟哦

彪嶺樵歌

李瑤

採薪嶺上白雲平緩步高歌入調清每向峯頭吟泄泄
時從曲裏度丁丁林飛逸韻兼山響澗落餘音繞谷鳴
妙有牧童牛背笛吹來又和雨三聲

謁卜子祠

程學會

教澤西河訪古賢儒先此地有真傳卜山遠接尼山脉
汾水遙通泗水淵鳥語書聲縈嶺上風鳴琴韻過林邊

汾州府志 卷三十四
至今石室誰爲主藤繞苔封不計年

謁汾陽王廟 辛顯祖

維唐七葉山逢鬼天子家塵狼薙尾令公手扶半壁天
克復兩京績何偉吐蕃突爾兵氛起倉皇勅公一幅紙
奪海內於群盜區大河南北復姓李驀地酋兵驚若雷
都訝令公天上來羅拜歡呼還起舞靈臺卑騎捷音回
嗚呼補天浴日功如此血食千秋應不死下馬擊觴醉
斷碑廟貌嵯峨儼仰企

過向陽峽 辛顯祖

五丁鑿破混沌竅劈分兩壁陡且隋中有羊腸一徑通

絕頂瑩瑩燭籠照崗巒凸凹失前路霜皮黛色列古樹
山雀輕翻雉雞飛野狐突跳蹲狡兔懸崖欲墜迎眸來
瀑布飛噴白雲開陰風颯颯疑虎伏曲磴盤迂斜陽催
欵段崎嶇三十里望中隱隱近村市行人莫唱行路難
迢遞西來山邈迤

汾陽宮懷古 辛顯祖

北齊併後南陳滅混一金甌堅似鉄六茹勤儉土成金
阿廢哮矚百姓血也知外間多圖儂行幸猶築汾陽宮
汾陽宮殿巧玲瓏江北江南杼柚空太原公子提戈來
一呼天下歡若雷魚潰鳥離劫火後汾上於今剩殘灰

汾兮汾兮脉脉流不貝
當年帝子遊蔓草萋萋
臙鬼葬滿目蒼涼白雲浮

